

Broj: 101/21

Datum: 18. 03. 2021. godine

Na osnovu člana 69. stava 1., tačka b) i člana 70. st. (1), (4) i (6) te člana 100. st. (1), (3) i (4) Zakona o javnim nabavkama („Službeni glasnik BiH“ broj 39/14), te člana 24. Pravila Javne ustanove Bosanski kulturni centar Tuzlanskog kantona Tuzla broj 146b/14 od 21.10.2014. godine direktor Javne ustanove Bosanski kulturni centar Tuzlanskog kantona, donosi

**ODLUKU  
o poništenju postupka javne nabavke**

**I**

Poništava se postupak javne nabavke pokrenut putem konkurentskog zahtjeva za dostavu ponuda, za nabavku usluga „Usluge štampanja i s tim povezane usluge“ objavljen na portalu javnih nabavki 11.03.2021. godine pod brojem 5441-7-2-1-3-1/21 na osnovu izjavljene žalbe ponuđača GRADPROM d.o.o. Srbac, Mome Vidovića bb, Srbac, zastupan po punomoćniku Antonić Mili, advokatu iz Banja Luke od 12.03.2021. godine.

**II**

Usvaja se žalba na tendersku dokumentaciju žalitelja, te se Ugovorni organ obavezuje nadoknaditi podnosiocu žalbe troškove postupka.

**III**

Ova Odluka stupa na snagu danom donošenja, te će se ista objaviti na web stranici Javne ustanove Bosanski kulturni centar Tuzlanskog kantona (dalje: JU BKC TK), a u skladu sa članom 70. stav 6. Zakona o javnim nabavkama.

**Obrazloženje**

Direktor JU BKC TK je donio Odluku o utvrđivanju /usvajanju Plana javnih nabavki u JU BKC TK broj 29/21 od 11.02.2021. godine. Postupak javne nabavke pokrenut je Odlukom o pokretanju postupka javne nabavke usluge „Usluge štampanja i s tim povezane usluge“ broj 89/21 od 10.03.2021. Javna nabavka je provedena putem konkurentskog zahtjeva za dostavu ponuda. Komisija za javne nabavke je imenovana Rješenjem direktora broj 31/21 od 22.02.2021. godine. Procijenjena vrijednost nabavke bez PDV-a iznosi 35.000,00 KM (slovima: trideset pet hiljada KM). Obavještenje o nabavci broj: 5441-7-2-1-3-1/21 objavljeno je na Portalu Javnih nabavki 11.03.2021. godine u 15:26 h.

JU BKC TK je dana 15.03.2021. godine zaprimio žalbu na tendersku dokumentaciju.

U žalbi upućenoj od strane ponuđača GRADPROM d.o.o. Srbac, Mome Vidovića bb, Srbac, zastupanom po punomoćniku Antonić Mili, advokatu iz Banja Luke, Veselina Masleše bb,

78000 Banja Luka je navedeno da ugovorni organ u tenderskoj dokumentaciji nije predvidio dostavljanje izjave u smislu člana 45. stav (4), a u vezi sa stavom (1) navedenog člana, kao i da nije predvidio provođenje e-aukcije, a shodno tome obavještenje o nabavci i tenderskoj dokumentaciji je pripremljeno u suprotnosti sa članom 10. Pravilnika o uslovima i načinu korištenja e-aukcije.

Ispitujući pravne pretpostavke po postupanju po predmetnoj žalbi ugovorni organ je utvrdio da je žalba dopuštena, izjavljena od ovlaštene osobe i blagovremena, te s obzirom na osnovani sadržaj i usvojena.

U skladu sa članom 100. stav (3) Zakona o javnim nabavkama Bosne i Hercegovine te shodno naprijed navedenim odlučeno je kao u dispozitivu.

**Pouka o pravnom lijeku:**

Protiv ove Odluke može se ponijeti žalba u roku od 5 dana od dana prijema ove odluke.

**Direktor JU BKC TK**

*Mirela Ibrahimović Mehanović*

Mirela Ibrahimović Mehanović,  
dipl. muzikolog, prof.

**Dostavljeno**

1x GRADPROM d.o.o. Srbac

1x Učesnicima u postupku

1x a/a